

METROMAHALA

SHARES: 0 KOMENTARA: 0

Shares: 0



OSTALO IZ RUBRIKE



... / Poslušajte "Snijeg" u izvedbi Fadila Redžića: Zahvala Indexima kroz slike '92.

1 28 1 min



Sarajevo / Gazi Husrev-begova biblioteka obilježava 484. godišnjicu osnivanja i rada

0 40 1 min



Poslušajte/ Dvije sjajne umjetnice, obje s imenom Belma, objavile online koncert

0 79 1 min

Shares: 0



Radionica 'Ples na točkovima' u SARTR-u

10. 07. 2012. u 15:23:57

Radiosarajevo.ba

Tekst prenosimo sa portala [manjine.ba](#).

"Osjećamo se obaveznima da posvetimo dio naših aktivnosti posebnim kategorijama i manjinama unutar naše zajednice. SARTR je teatar koji mora da bude angažiran, te obraća pažnju manjine, budući da se radi o kategoriji ljudi kojoj nije pruženo dovoljno pažnje. Jako mi je drago što ovaj program realiziramo sa udruženjem građana Kontakt, koji su zapravo inicijatori i nosioci te aktivnosti, jer je naš cilj, prije svega, naš teatar prilagoditi osobama sa invaliditetom koji će se u njemu osjećati potpuno slobodnima, i kao gosti i kao izvođači", kazao je direktor Sarajevskog ratnog teatra **Nihad Kreševljaković u nedavnom razgovoru za Radio Sarajevo.**

U prostoru Sarajevskog ratnog teatra, u periodu **od 17. - 24. jula 2012. u sklopu projekta "Na točkovima"** bit će organizirana radionica umjetničko-edukativnog i rehabilitacijskog karaktera u kojoj će učestvovati osobe sa invaliditetom, te profesionalni glumci i glumice.

Udruženje Kontakt, koje ima za cilj podsticanje i istraživanje izvedbenih umjetnosti u BiH i na ovaj način želi kroz pozorišni diskurs utjecati na podizanje svijesti o svakodnevnoj diskriminaciji i preprekama sa kojom se susreću osobe sa invaliditetom u Bosni i Hercegovini.

"Pokušat ćemo ohrabriti učesnike u otvaranju i prihvatanju sebe kroz scenski izraz, u upoznavanju novih potencijala tijela i negovog kretanja i stvaranju novih mogućnosti komunikacije, interakcije i socijalizacije", kazala je izvršna producentica projekta **Narcisa Cvitanović.**

Pored osoba sa invaliditetom u radionici **učestvuju i profesionalni glumci i glumice:** Ermin Bravo, Maja Izetbegović, Džana Pinjo, Boris Ler, Jasenko Pašić i Alban Ukaj.

"Ova radionica pruža učesnicima priliku da učine nešto bolje za sebe, da budu u skladu sa svojim tijelom, emocijama, mislima, kao i sa drugim ljudima. Otkrivanje novog pokreta može biti nagovještaj pozitivnih promjena u drugim segmentima života. Uz ples i muziku, prirodne okidače hormona sreće, put promjene može biti lak, kreativan i zabavan", istakao je **voditelj radionice Aleksandar Josipović**, profesionalni plesač i predavač u oblasti plesne terapije i savremene psihologije

Po završetku sedmodnevne radionice svi zainteresovani će imati priliku da 24. jula 2012. sa početkom u 21.00 sati u Sarajevskom ratnom teatru prisustvuju **finalnoj prezentaciji radionice**, nakon koje će biti organizovana i **diskusija sa publikom.**

"Ovaj i slični projekti su odlična prilika da se prije svega mladi ljudi koji imaju neko tjelesno oštećenje, više aktiviraju u društvena zbivanja, a pozorište pruža dobru priliku za to. Ja posebno gajim veliku ljubav prema teatru, tako da se radujem ovom novom iskustvu. Lijepo je da se neko sjetio i ove populacije koja je poprilično zaboravljena i malo zastupljena u društvu. Zato hvala svima koji su odgovorni za ovaj projekat uz nadu da ce ih biti jos više i da će interesovanj za ovakve stvari biti sve veće i to na obostrano zadovoljstvo." izjavio je **Jasmin Džemiđić, jedan od učesnika radionice.**

Svi zainteresirani koji žele učestvovati u procesu podizanja svijesti o potrebama i problemima osoba sa invaliditetom i pomoći realizaciju radionice sve informacije mogu dobiti na e-mail udruženja "Kontakt": **kontaktudruzenje@ymail.com.**



TV lica / Problemi sa srcem: Senadu Hadžifeževiću ugrađeno nekoliko stentova

20 2807 1 min



FB / Amra Šabić-El-Rayess napadnuta usred prezentacije

13 793 2 min



Historija / Kako je Jugoslavija pobijedila virus Variola vere i vakcionisala 18 miliona

2 1589 2 min



Svaka čast / Lijek za upalu pluća učenica iz BiH osvojio zlatnu medalju na takmičenju

2 2131 1 min



Naša tema / Dok jedni optužuju za stanje na Bjelašnici, iz ZOI '84 tvrde: 'Sve je top!'

1 23 4 min



Ja mislim / Akademik Rešid Hafizović: Bosna između jave i sna

0 299 9 min